

La croz occitana es un simbèu qu'òm tròba dins tot le sud de França, en particular en Gasconha e en Lengadòc. Se tròba tanben dins nombroses blasons e logòs de regions, departaments o ciutats.

Las branca de la croz son egalas (pr'amor d'aquò ei qualificada de croz greca) e van en s'eslargir deu centre de cap tà l'exterior (patada). Aqueras branca son vuetadas e coronadas de bòlas (pometas). Existish fòrça explicacions a la significacion d'aquera croz e las legendas costejan sovent las analisis eraldicas.

Las dotze "pometas", segon los punts de vista, an podut èster interpretats coma ua referéncia aus dotze apòstols a las dotze tribús d'Israèl... Estoc quauques còps assimilada a ua croz solara dont las quate branca representavan las quate sasons e cada bòla un mes d'aqueras sasons. Los dotze punts simbolizavan entà d'autes los dotze signes astrologics europèus.

Las colors sang e aur de la croz occitana son omnipresentas dins las armas deus principaus linhatges occitans : Castilha, Navarra, Bearn, Aquitània, Anglatèrra.

Aqueras colors son tanben regde presentas dins las armas de ciutats : Barcelona, Foish...

La croz occitana es un simbèu que se pòt tanben trobar en pintrura sus granas realizacions, dins esculpturas e dins articles mes estandardizats coma vestits e estilòs.

La croz occitana es tanben dita croz deu Lengadòc, croz de Tolosa e quauques còps croz de Provença. Ei fòrça anciana e proveng d'Orient. Òm torna trobar la sua traça en Cappadoce (Turquia), a Pisa (Italia), en Provença (Forcalquièr) o en Catalonha. Semblaré qu'estosse importada de l'èst de la Mediterranèa peus Visigòts que de 418 a 507, establishen lo son reiaume entre Aups e Pirenèus e hèn de Tolosa la sua capitala.

Las quate branca son entà daubuns la materializacion de l'itinerari deus visigòts deus ribatges de la Mar Negra a Tolosa, peus Balcans, l'Italia e l'Espanha...



Drappèu occitan dab estela e sèt branca.



Sagèth de Raimon VI.

Importada de l'èst de la Mediterranèa pendent las invasions deus Visigòts, aquera croz estoc prumèr un deus emblèmas deus comtes de Tolosa ont estoc a còps aperada "croz d'Arlas", estoc tanben atribut deus comtes de Marselha. Es probablament, de cap a 1020, en seguida a l'union de Guilhèm III de Tolosa dambe Emma, hilha de Robaud de Provença, petita hilha de Boson rèi d'Arlas, que l'emblèma dintra dins la simbolica tolosana.

La mes anciana croz occitana que se pòt véser auèi ei la qui ondra la pèira clau de la nau de la catedrala Sent-Estève a Tolosa, data de 1211.

Los occitanistas utilizan aquera croz coma simbèu de raliament, li adjunhen a bèths còps ua petita estela a sèt branca. (simbèu deu Felibritge e de la reneishença de la lenga d'Òc).

Las regions de lenga occitana tenguen auèi a includir tot o partida de la croz occitana dins los sons logòs e blasons. De las vaths italianas a la Navèra Aquitània, de l'Auverna-Ròse Aups a la Vath d'Aran en Espanha, la croz occitana demòra lo simbèu de la lenga e de la cultura occitanas.

SCIÈNCIAS E TECNICAS

TECNICAS

LEXIC

Un blason : l'escut eraldic que representa un Estat, ua vila o ua familha.

l'eraldica : la sciéncia que permet de descriver e de representar las armas.

Un emblèma : èster o objècte causit entà representar quauqu'un o quaucom.

Lo raliament : l'accion de se recampar.

ACTIVITATS

1. Coloreja la croz occitana.
2. Tròba las vilas e los país importants de l'Istòria de la croz occitana sus ua carta.



Blason de l'Isle-Jourdain.



Placa deu Capitòli a Tolosa

FRISA CRONOLOGICA

Avant 500
croz boletada utilizada peus crestians d'Orient.

Avant 1000
arribada de la croz occitana pendent las invasions visigoticas.

De cap a 1019
union de Guilhèm III de Tolosa e de Emma de Provença.

De cap a 1150
Raimond V utiliza la croz occitana.

De cap a 1970
utilizacion de la croz occitana dins les mitans occitans.

Dempèi 1980
la croz occitana deveng emblèma de Mieijorn-Pirenèus e ei viste presenta sus produïts de consomacion.

QUESTIONS

1. Dessenha ua croz occitana en seguir aqueras consignas :
 - a. Plaça un punt au centre de la huelha.
 - b. Traça duas dretas perpendicularas a partir d'aqueth punt.
 - c. Traça un cercle de 3 cm de rai a partir d'aqueth punt de despart.
 - d. Plaça 4 punts distints A, B, C, D sus las dretas a 3,5 cm deu centre.
 - e. Traça los cercles de centre A, B, C, D de 3,5 cm de rai.
 - f. Tròba las extremitats vesias d'ua mèma branca. Cèrca dambe lo compas un punt a cada 3 cm d'entre eras e hè un cercle de 3 cm de rai.
 - g. Torna hèr aquera operacion 8 còps entà hèr aparéisher ua croz occitana.
2. Nòma las colors de la croz occitana.
3. Dempèi quan la croz occitana ei coneishuda ?
4. Cita duas vilas ont lo blason compòrta la croz occitana.

TECNICAS

SCIÈNCIAS E TECNICAS

